

MATY VOATIFITRA I DJAFFAR

Notafihan'ny jiolahy ny fiaran'ny zandary nitondra azy nankany Tsiafahy

Notafihan'ny jiolahy ny fiaran'ny zandary mpitondra voafonja nankany Tsiafahy ny zoma alina teo, maty voatifittra tamin'izany i Djaffar. Lavo i Djaffar, kara na jiolahy mpaka ankeriny, naratra voatifittra ny zandary iray, fitaovam-piadiana maro sarona, rotiky ny bala ny fiaran'ny Zandarimaria iray. Ireo no vokatry ny fanafihan'ny naman'i Djaffar teny amin'ny lalana ho eny Tsiafahy, ny alin'ny 07 aprily 2023, araka ny vao-vao nampitain'ny avy ao amin'ny Zandarimariam-pirenenra.

Araky ny angom-baovao voaray teo anivon'ny Sampana mpikaroka heloka beavan'ny Zandarimaria etsy Fiadanana (SRC) dia nikasa han-tanteraka asan-jiolahy goavana i Djaffar sy ny namany, raha fantatra fa



Djaffar, ilay jiolahy maty voatifittra ny zoma alina teo.

ho tapitra tsy ho ela ny sa-ziny eny Tsiafahy noho ny trangana fakana ankeriny tany aloha.

Noho izany dia nandalo famotorana lalina teo anivon'ny SRC indray izy ny andron'ny zoma 07 aprily ary naborany avokoa ny ambaindain'ny fikononko-nonana hataon'izy ireo ; notsirihina ny tranon'ny namany iray teny Anka-diefajoro izay efa maty, sy ny an'ireo namany, ka

basy mahery vaika miisa 3 (02 kalach, 02 PA sy bala maro no sarona).

Rahefa vita ny famotorana dia neverina eny Tsiafahy izy, kanefa teny andalana dia nanaovan'ireo namany sakana velam-pandrika ny fiaran'ny SRC, izay nisy an'i Djaffar sy ireo zandary. Jiolahy sahabo ho 4 nitondra moto scooter no nanafika. Tifitra variraraka no nataon'ireo jiolahy.

Voatifittra teo amin'ny sandriny ny zandary mpamaly, voatifittr'ireo namany tandrify ny lohany tsy nahy koa i Djaffar ka lavo avy hatrany. Namaly tifitra ireo zandary sady nanenjika, ka nianjera ilay moton'ireo jiolahy, nirifatra nilefa ireto farany ary dify tao anaty haizina. Basy poleta iray no hita teo amin'ny nianjerany.

Nentina namonjy hopitaly haingana ilay zandary narratra, ka efa manaraka fitsaboana sahaza sy handalo fandidiana. Mitohy ny fihazàna ireo jiolahy nilefa, sy izay rehetra nitsikombakomba amin'izy ireo. Mitohy ihany koa ny famotorana lalina ireo sakai zany miisa 3, izay mahafantatra tsara ny fikasan'i Djaffar sy ireo namany, izay efa ety ivelany hanao fakàna ankeriny.

Stef

Fiaramanidina kely tojo olana

Tafajanona teny an-tanimbary ihany

Nieren-doza, izay no azo ilazana azy, tafajanona teny an-tanimbary ihany ilay fiaramanidina kely tojo olana teknika teny ambony teny.

Voatery nidina haingana namonjy izay toerana afaka hijanonana ity fiaramanidina kely iray, rehefa tojo tsy fetezana teny am-pandiranra.

Teny an-tanimbary tao Ambalika Kaominina Be-



Ilay fiaramanidina tafajanona teny an-tanimbary.

tsako, Distrikan'i Mahajanga II, Faritra Boeny, no tafajanona ilay fiaramanidina ny sabotsy 08 aprily teo, tokony ho tamin'ny iray ora sy sasany tolakandro. Azo lazaina ho tsara vintana ireo olona roa tao anatin, izay Malagasy ny iray, ary frantsay ny iray, mpanamory sy ny tompon'ilay fiaramanidina.

Stef

Ny Valosoa



Salomon sy Lizah Rasetra, anisan'ny handray anjara amin'ny tsingerin-taonan'ny Radio Feon'Imerina.

Volley-Ball

Mihetsika any Antsirabe koa

Mihetsika mikarakara fifaninanana any Antsirabe koa ny volley-ball Malagasy nanomboka ny zoma 07 aprily 2023 teo, ka tsy hifarana raha tsy amin'ny 14 aprily ho avy izao. Fifaninanam-pirenena miisa 3 be izao no indray tanterahina mialaka any amin'ity tanàna ity dia ny "Coupe de Madagascar Jeunes 2023" sokajy U14 zazalahy, sy zazavavy sy ny sokajy U20 zatovolahy sy zatovavavy ary ny "Championnat de Madagascar Séniors 2ème Division" lahy sy vavy. Araka ny "règlements ny compétition" izay milaza, fa rehefa lat-saky ny 4 ny isan'ireo ekipa mpandray anjara dia foana ilay "competition". Noho izany ny fifaninanana sokajy U14G sy U16G dia foana avy hatrany, fa ny fifaninanana hoan'ny sokajy U14F - U16F - U20F - U20G -



Mpilalao Volley-ball tanora Malagasy.

2DF -2DM kosa dia hatao avokoa. Ireo ekipa mpan-drav anjara Sokajy U14 filles : Crjs (Atsinanana), Gnvb (Analamanga), So-kajy U20 filles : Evba (Atsinanana), StefAuto (Atsinanana), Gnvb (Analamanga), Bi'As (Analamanga). Sokajy U20 garçons : Gsvbc (Atsimo Andrefana), Asi (Analamanga), Mvbc (Matsiatra Ambony), Evbi

Stella Maris (Atsinanana), Gnvb (Analamanga). So-kajy U20 filles : Evba (Atsinanana), StefAuto (Atsinanana), Gnvb (Analamanga), Bi'As (Analamanga). Sokajy U20 garçons : Gsvbc (Atsimo Andrefana), Asi (Analamanga), Mvbc (Matsiatra Ambony), Evbi

(Ihorombe). Sokajy 2DF : Assm (Analamanga), Squad (Analamanga), Asi (Analamanga), Avba (Vakinankaratra). Sokajy 2DM : Sdv (Analamanga), Nadj (Atsinanana), Pôle Gnvb (Analamanga), Avba (Vakinankaratra).

Rainilita

Radio Feon'Imerina

Rindran-kira ho anao ny alahady izao

Hisokatra ny Alahady 16 Avrily 2023 amin'ny roa ora sy sasany, etsy amin'ny CC Esca Antanimena, ny fankalazana ny faha-25 taonan'ny Radio Feon'Imerina, marihina fa ny taona 1998 no nandeha voalohany ny Radio Feon'Imerina, rindran-kira goavana sy mia-vaka no hanombohohana ny fankalazana.

Miavaka tokoa satria ireo mpanankanto zokiny indrina no hiaka-tsehatra, toa an'i i Fidimalala sy ny Anglo-Imerina, Abel Ratsimba, Salomon sy Lizah Rasetra, Tovo Andrianandraina, Razedra sy Ralanto, J. Andriamanantena, Mamy Rakotoarimalala sy ny Gasy Miangola, Tarika Jean Luce sy Lala, Narisoa, Ny Alondrano, Noely sy ny Sakelidalana, ary ireo mpanakanto tanora ahitana an'i Faniry Raelison, hihira ny sangan'asan'ny raibeny i Rolland Raelison sy Andriampaniry mian-dahy, izay niavaka ny fandraisany izy ireo anjara tam'inny fankalazana ny faha-90 taonan'i Gabhy. Hanentana ny fampisehoana, i Tiana Ratovondriaka sy Moreno Nicole ary Ndrema.

Noraisin'ny Radio Feon'Imerina ho zava-dehibe ny manome sehatra ireo zokiolona efa nahazo taona ireo satria, sady fanomezamboninahitra azy ireo, no voaporofa ihany koa nandritra ny famerenana niaran-han'ireo mpanakanto ny fahamarinan'ilay fitenindra-zantsika manao hoe "antitra mampiady kalo ka ny antitra, antitra ihany", mbola mitana araky ny fitenindratovo ireto mpanankanto zokiny ireto, sady mpamorona avokoa izy ireo. Marihina fa tanora avokoa no miara-mihira sy mitendry amin'izy ireo, ny an'i Tovo Andrianandraina dia ny zafiny no efa miara-mitendry aminy, ao koa ny fiarahan'izy Telomiafy dia i Razedra(rainy) sy Ralanto (zanany) ary Malm (zafiny), ka ny hira ba gasy noforonon'i Razedra sy Georges Nina no kaloin'izy Telomiafy amin'izany.

Ny taona 1958 no nisy ny Rindran-kira voalohany tetra Antananarivo, feno 65 taona tamin'ity taona ity, izany no nisafidianan'ny Feon'Imerina ny Rindran-kira hanokafana ny tsingerintaoana faha-25.

Ny Valosoa



Cours MA Beach Soccer

Notontosaina tany Toamasina nandritra ny 5 andro

Nandritra ny 5 andro ny herinandro teo no natao tany Toamasina, ny "Cours MA" ho an'ny mpitsara baolina kitra "Beach Soccer", izay notontosaina tao an-tanànan'i Toamasina. Tamin'ny 4 aprily maraina, no nanaovan'ireo mpandray anjara miisa 25 ny "Fitness test" tsy maintsy natrehana tao amin'ny kianja mitafo "Gymnase Indoor Soavita", ka nanatanterahana ny "série RSA, Coda ary Ariet", teo ambany fiahian'ny mpampianatraka Fifa eto an-toerana sy iraisam-pirenena. Nitarika ny fanoafana ofisialy ny Filohan'ny FMF, Andrianony Victorien, notronin'ny Talen'ny Fampandrosoana ny "Arbitrage" aty Afrika, Athanase Nkubito ary ny mpampiofana mpampianatraka ny Fifa, Benchabane Lakhdar. Nisy ny fanaovana "évaluation" an'ireo mpitsara mpio-fana nandray anjara tamin'ny farany ary izy ireo dia samy niatrika fotoam-pitsapanana teny an-kianja avokoa.

Rainilita



Cours MA Beach Soccer.